

● 撰文：馮淑玲  
● 攝影：劉玉梅、周義安  
● 錄影：李梓軒  
● 設計：成志強

▼小朋友寫信用嘅信簡(上)；及長腿叔叔來回信，印有佢嘢頭嘅專用信紙。社工話寫信最好用中文，但英文亦接受。



▼Wendy(左)和許姑娘同是長腿叔叔義工，都話從小朋友嘅信中，會知道佢哋識好多嘢，唔係成年人想像咁細個。

細個時有秘密，總唔想同父母講，佢哋唔明，亦唔想解釋。此時，最羨慕卡通人物朱迪，有個長腿叔叔可傾訴，最大好處係能保守秘密，又為你排難解憂。到現在長大，發現真有長腿叔叔。佢哋係班義工，專跟學生們通信，談學業、感情、交友和家庭等任何學生想談的問題。只要你寫信問，佢哋一定答。

有煩惱嗎？你可以寫信跟長腿叔叔

傾吓偈。

「長腿叔叔信箱服務」已有20年，負責社工許姑娘話：「當年熱播《長腿叔叔》卡通，便搞了這服務。」

## 多咗個大人可傾訴

服務對象主要是小三至中三學生。巧菲就是小五時，開始寫信給長腿叔叔。「我從大陸來港，爸爸剛過身，好多嘢唔適應，見媽咪傷心，唔知點算。校長話我可以寫信俾長腿叔叔。估唔到真係有回信，仲好快！」長腿叔叔鼓勵巧菲做好本份、讀好書，唔好要媽咪擔心。自此巧菲跟

長腿叔叔經常通信，無所不談。「依家睇番啲信都覺當時好幼稚，有啲問題其實好小事，好彩有長腿叔叔同我傾。」

點解唔跟媽咪講？「對住媽咪難開口，又唔想佢擔心。」像小學時，巧菲跟老師相處出問題，寫信跟長腿叔叔講，結果社工介入，即時把問題解決。「唔方便跟父母講，多咗個大人傾訴，佢會明白我感受，俾我鼓勵，係好大嘅支持。」

巧菲跟長腿叔叔通信有3年，「寫信係有啲煩，但再拎番出嚟睇，好有感覺。唔似電郵睇過就算；亦唔似WhatsApp，太長唔想睇、太短表達唔到。」

## 進入佢哋世界

長腿叔叔已寫信給超過一萬七千多名小

◀小朋友寫信給長腿叔叔，似乎只有他明白佢哋嘅問題，咁做父母可以點？信義會定期搞家長講座，分享可公開的小朋友來信。許姑娘話：「好多父母聽完分享都問信邊度嚟，話從唔知細路咁諗嘢，好似開咗竅，明白小朋友多啲。」



suddenplus.com  
sw.hk

▶ 長腿叔叔真正身份絕對保密，無人知㗎。相反，小朋友嘅個人資料，除咗名字外，長腿叔叔一概不曉，故不會發生長腿叔叔跟小朋友見面嘅情況。

# 叔

▼ 義工的文字輔導課程。



朋友，每次收到嘅來信都好有趣。許姑娘話：「有小朋友第1封信就問長腿叔叔拿點數卡、高達。但長腿叔叔要公平，故人人都不送禮物。

「最多人問長腿叔叔係唔係靚仔、腳長又瘦。更有小朋友問長腿叔叔會唔會送佢到外國讀書。但我哋好坦白講，現實版嘅叔叔關心小朋友，未必能送所有小朋友到外國讀書。」

長腿叔叔睇小朋友信多，知道現代小孩熱愛動漫、鍾意韓星。「有時小朋友分享話自己鍾意一隊韓星的其中一個，叔叔都會好認真上網搵資料。叔叔跟小朋友通信是雙向，但佢唔覺叔叔老餅，叔叔又可以進入佢嘅世界。」

## 父母當局者迷

但呢啲唔應該係父母做嘅咩？許姑娘拿起一封剛收到寄給長腿叔叔嘅信。「這女孩跟男同學拍拖，被訓導主任發現拖手記小過，父母更唔准佢哋見面。佢哋轉地下情，又被母親跟蹤發現。女孩寫信給長腿叔叔話好愛個男子，拍拖後成績又變好，問父母做乜唔體諒？邊度拍拖唔被父母發



▼ 媽咪黃太太亦受女兒影響，寫了廿封信給長腿叔叔。「覺得佢好關心巧菲，寫信多謝佢，點知佢回信，咪開始寫。主要講對細路生活和學習嘅感覺，大家分享吓心得，唔會特別針對佢哋嘅嘢講。」

## 小朋友想寫信：



- ※ 服務對象：小三至中三學生。其他人寫都覆，但小朋友優先。
- ※ 小朋友最好懂寫字。有幼稚園高班生畫畫表達，叔叔照覆，但用文字。
- ※ 可用長腿叔叔郵筒寫信，上面印有叔叔地址，只要寫完貼郵票寄便ok。
- ※ 亦可用自己信紙寫，寄往：九龍窩打老道50A信義樓1字樓「長腿叔叔信箱」。

※ 費用全免

## 做長腿叔叔義工：

- ※ 中學畢業，人較成熟，懂用文字表達。
- ※ 報名後要上文字輔導課程，共12小時。並須做功課和考試，以確保義工質素，唔合格或出席率低，都無得留低。
- ※ 查詢：2673 2160（香港基督教信義會）

現？作為大人會想：我咁嘅年紀可能都拍緊拖，心情同佢一樣，想點避開父母，點跟

男友一輩子。又想日後有人問你個『小過』點嘍，如果話係因拍拖，你估小朋友會點？

「明白父母愛錫子女，當局者迷，但小朋友總要經歷、成長。只係啱成長過程中，家長點扶佢哋一把，唔好令小朋友太有挫敗感、難堪，小朋友日後遇到任何事情都較容易overcome。若然有個mentor幫忙，能進入小朋友嘅世界，明白佢哋，一起傾訴，可能關係會好好多。」

許姑娘強調，長腿叔叔回信着重了解小朋友嘅感覺，給予鼓勵，偶然加點意見。因服務有社工支援，若遇到家暴、自殺等問題，社工會即時介入幫忙。▼



▶ 停了一年沒寫信給長腿叔叔，巧菲最近想再執筆。服務的好處是小朋友各有編號，信件全部存檔，無論你幾時再寫，長腿叔叔都記得你。